

Düend doch jetz au hocke bliebe es muess doch keine goh  
niemer muess doch do os Angst das Lokal verloh  
ich bes doch nor ich der Komedi wiener läbt ond esch  
ond ned en Törgg wo med der Mp es Caffi Frewo esch

Der Frank Elstner seit zor Vreni Schneider also s`esch enorm  
emmer wenn ich Sie Schiefahre gseh denn händ sie d`Nase vorn  
chönnte Sie mer ned emol zeige vellecht wie das geyt  
bes jetz ben ich met minere Show emmer nor of d`Schnörre gheyt

För en Sproch öber d`Gäldwäschaffäre han ich lang überleit  
doch leider esch mer nüt en Senn cho das esch d`Worret gseit  
ich hätt dromm sone Ehefrau wies Kopp Lisi selle ha  
die hätt mer för de Vårs bestemmt no en heisse Typ gha

De 1. Februar 89 das Datom esch markant  
do wähles doch en Bondesrot sone Stompefabrikant  
die andere 6 Röt die händ gseit das sigg zwar scho ok  
doch s`nächst mol hättes lieber eine metere Brauerey

För de erscht Riniker Tornerobe jo sie das esch wor  
händ`si es glatts Motto gha s`heisst "Mer stelled is vor"  
nor ich ha det der ganzi Obe er Tornhalle en pennt  
schliesslich han ich die Tornergrende vorane scho kennt

En Sache Hersche ond Omgäbig het Gmei gmacht es Änd  
ond het ohni omezluege en Boustopp verhängt  
em Schuelhus obe hätte sie jo s`gliche au gärn gmacht  
doch eschs dert so das säbi Hötte gli scho zämekracht

De Hueber lauft dor de Broggerwald do chonnt ganz lutt ond schwer  
de Schori ofeme Traktor ond zieht Baumstämm hender sech her  
de Hueber seit so goht das ned so werd kei Holz me gschleickt  
ich chomm mol met em Veloclub mer händ dert Mounten-Bikes

Ich be met Stolz en Riniker ich glaub das dörfi säge  
be 24 Jahr do ufgwachse ha nie klagt deswäge  
nor s`letscht Jahr do ben ich moff worde Gmeiröt händ mer geh z`danke  
die gönnd doch glatt de Broggere eusi Fahne goge schänke

Em Kabelwärk esch ein of d`Potzfau los sie was hesch was gesch  
e Stond lang send sie gsecklet händ gluegt wer de schneller esch  
wiso schliessli d`Potzfau gonne het das esch jetz usecho  
die heigi schiends vom Ben Jonson sim Dopingmettel gno

D`Värslischmette die esch zue wiene jede weiss  
d`Häx dörfeds au nömm verbrenne du das esch en Sch...  
bald gets dank z`Brogg au kein Omzog meh wäge Omwältschotz ond so  
denn selle die Klicke nome all of Rinike ufe cho

*Der Komedi<sup>89</sup>*

Wänd er me bsueche? Ich be dehei onder „[www.komedi.ch](http://www.komedi.ch)“